

# Finanziaziun da las campagnas.

In zic pli transparent: Partidas inditgeschan 25 milliuns francs

**(ltr) Betg tut las partidas ch'han vu-**  
**li tradir tut. La Radio Télévision Suisse**  
**(RTS) ha dumandà las partidas quant**  
**ch'ellas investeschan en las elecziuns**  
**federalas dals 20 d'october. Passa 25**  
**milliuns francs hani declarà. E la trans-**  
**parenza è creschida, auter che tar la**  
**pps. Pli datiers ch'il termin da las elec-**  
**ziuns federalas vegn e pli activas che las**  
**partidas sa stentan per vossa vusch: Fe-**  
**stas, placats, videos e bler auter pli. Tut**  
**quai custa.**

Las investiziuns muntan a millis francs, per part a milliuns. Tgi che paja tut quai n'è berg adina cler cunquai che nagina lescha pretenda transparenza finanziala da las partidas. Perquai han RTS ed SRF dumandà las partidas sezzas. Esen elecziuns chantunalas per il parlament federal èni sa drizzads a tut las 188 sezioni chantunalas da las partidas cun la supplica da svelar lur funtaunas e cassas. Bun 80% da las sezioni han respundi las dumondas. 14% han refusà da responder e 2% han ignorà la dumonda. Quai è dapli ch'anc tar las ultimas elecziuns (2015).

## 17 milliuns da las sezioni chantunalas

Da la retschertga dad RTS resulta la summa totala da 25 milliuns francs. Uschè bler sco anc mai. Questa cifra sa cumpona da:

- bun 17 milliuns francs ord las cassas da las sezioni chantunalas e
- radund otg milliuns ord las cassas da las partidas naziunalas (mo la pps ha refusà d'inditgar ses budget).

Cunquai che questas cifras sa basan sin las indicaziuns da las partidas sezzas na pon ins betg las verifitgar. Vegn latiers ch'i manca ina part dals daners effectivs. Relevant en quest connex dastgass esser l'intransparenza da la pps ch'è enconuschencha per sias campagnas grondas. Quai che manca er èn las summas che candidatas e candidats impundan sezzas ord la bursa privata.

## Partidas inditgeschan 20% dapli ch'avant quatter onns


Il total è creschi per 20% cumparegiaù cun il 2015. Lura avevan las partidas anc inditga expensas da 21 milliuns francs.

Questa creschientsha po però era fundar sin il fatg che dapli partidas han inditgà lur expensas (surtut en la Svizra tude-stga). La gronda part da la creschientsha dals custs dastgass sa basar sin las sezioni ch'en questa giada stadas transparentas.

## Quant che vegn d'interpresas

Tge partida ch'ha il pli grond budget n'è betg dad eruir definitivamain perquai che betg tuts èn transparents. Plausibel fiss però la pld. Lezza declera cun 7,5 milliuns francs il budget il pli grond, schegea che tschintg sezioni n'en betg transparentas. Lura suondan la ps (6,4 milliuns) e la pcd (4,3 milliuns, tschintg sezioni intransparentas). Lunsch davos suondan la pes (1,9 milliuns), la pvl (1,6 milliuns) e la pbd (in milliun, traïs sezioni intransparentas). Tar las pps n'en ils custs betg calculabels cunquai che passa la mesadad da las sezioni è intransparenza.

Tar las partidas transparentas èsi puasaivel d'eruir quant ch'ellas budgete-schan pro sez sch'i vulan salvar ils sez actuals. Sin basa da la constellazion actua-




Pli a sanestra la partida, pli transparentas èn las sezioni chantunalas.

RTR

la en il parlament prevesa la ps radund 119 000/sez, la pes 159 000/sez e la pvl 206 000/sez. Calculabel è er il budget da las partidas pro electur domicilià en il chantun.

success.» Cun ils daners possian las partidas derasar lur messadi – candidatas e candidats possian vegnir pli enconuschencha. Era perquai è tenor Lutz transparenza indispensabla per ina democrazia che funcziona.

«En la politica svizra midan maun grondas summas da daners. Saja quai en campagnas u cun lobbying», di Lutz. Il minimum saja quai che la publicitat sapia danunder ch'ils daners vegnian.



Quant che vegn d'interpresas.

## (Anc) nagina lescha federala – però reglas en singuls chantuns

Malgrà lescha federala mancanta han fin ussa tschintg chantuns introduci reglas che sforzan las partidas da declarar donaziuns a partir da 5000 u 10 000 francs. Quai èn: TI, GE, NE, FR e SZ.

En plirs auters chantuns vegn discutà da crear ina lescha chantunala. Sin maisa èn però l'iniziativa dal pievel (dal

2017) che pretenda da declarar custs da campagnas che surpassan 100 000 francs e la derivanza da donaziuns che surpassan 10 000 francs. Il matg ha la cumissiun dal cussegli dals chantuns preschentà ina cuntraproposta cun 25 000 francs, respectiv 250 000 francs.